



UNIVERSITI KEBANGSAAN MALAYSIA

JABATAN PERSURATAN MELAYU

**PERBILANGAN ADAT: SATU KAJIAN DARI
ASPEK HUKUM ADAT**

oleh

ROSSILAH BINTI BAKAR

Latihan ilmiah ini telah diterima oleh Jabatan Persuratan Melayu untuk memenuhi
sebahagian keperluan ijazah Sarjanamuda Sastera (dengan kepujian)
pada sesi 1993/94.

Penyella

26 APR. 1994

Tarikh

Ketua

Jabatan Persuratan Melayu

26 APR. 1994

Tarikh

PERBILANGAN ADAT: SATU KAJIAN DARI
ASPEK HUKUM ADAT

oleh
ROSSILAH BINTI BAKAR


Latihan Ilmiah ini dikemukakan untuk memenuhi
sebahagian daripada syarat memperolehi
Ijazah Sarjanamuda Sastera
dengan Kepujian

Jabatan Persuratan Melayu
Fakulti Sains Kemasyarakatan dan Kemanusiaan
Universiti Kebangsaan Malaysia
Bangi, Selangor
Sesi 1993/94

PENGAKUAN

Saya akui karya ini adalah hasil kerja saya sendiri kecuali nukilan dan ringkasan yang tiap-tiap satunya telah saya jelaskan sumbernya.

Tarikh: 26 APR. 1994.



Rossilah/bt. Bakar
32138

PENGHARGAAN

(Dengan Nama Allah Yang Maha Pemurah Lagi
Maha Penyayang)

Segala puji-pujian kepada-Nya, selawat dan salam kepada Junjungan Besar Nabi Muhammad s.a.w. Alhamdullillah, dengan taufik dan hidayahnya telah dapat saya mengakhiri penulisan latihan ilmiah dalam bentuk yang seperti ini. Penulisan ini tidak akan selesai seperti yang direncanakan tanpa adanya bantuan moral dan material dari berbagai pihak yang dapat menolong saya bagi mengatasi berbagai kesulitan. Dari itu kepada semua pihak yang terlibat, saya menyampaikan penghargaan dan ucapan terima kasih yang tidak terhingga.

Pertama sekali saya ingin merakamkan ucapan ribuan terima kasih kepada Encik Mohd. Yusof Md. Nor yang telah sudi menjadi Penyelia latihan ilmiah ini. Berbagai nasihat, petunjuk dan bimbingan yang mengesankan dari beliau telah banyak membantu dan mendorong saya dalam meneliti dan menulis latihan ilmiah ini. Saya doakan semoga Allah memberi ganjaran yang berlipat ganda ke atas setiap bantuan dan tunjuk ajar yang diberikan. Kepada pensyarah-pensyarah dan rakan sejawat yang sering membantu dan meluangkan masa sewaktu di kampus, saya doakan moga-moga bakti mereka diberkati Allah.

Sehubungan dengan itu, ucapan terima kasih juga ditujukan kepada pihak perpustakaan di Tun Seri Lanang, perpustakaan Alam dan Tamadun Melayu dan perpustakaan Jabatan Persuratan Melayu kerana sudi bekerjasama dan memberi bantuan kemudahan untuk saya menggunakan bahan-bahan di perpustakaan.

Dan kepada seluruh keluarga terutama pada mak, ayah dan along serta mereka yang membantu saya sama ada secara langsung atau tidak langsung untuk melaksanakan latihan ilmiah ini, berbanyak terima kasih. Semoga semua jenis bantuan, harapan dan doa dari semua pihak akan mendapat balasan yang berlipat kali ganda dari Allah Yang Maha Pemurah. Amin!.

ROSSILAH BINTI BAKAR
NO. 4, LRG. MEGAH 11/A,
TAMAN MEGAH CHERAS,
43200 BATU 10, KAJANG
SELANGOR DARUL EHSAN.

SINOPSIS

Latihan ilmiah ini terbahagi kepada 5 bab. Kajian ini membuat analisis terhadap sejarah perkembangan Adat Perpatih, aspek-aspek yang terkandung dalam hukum adat, lembaga musyawarah adat dan juga konsep keadilan yang terdapat dalam Adat Perpatih. Bab I mengungkapkan mengenai sejarah perkembangan Adat Perpatih dan konsep-konsep yang berkaitan dengan perbilangan adat. Bab II pula ialah analisis mengenai aspek hukum adat yang asas. Aspek yang disentuh termasuklah tentang undang-undang harta dan pusaka, hukum jenayah, hukum tentang berkedim, hukum perkahwinan dan hukum orang semenda dan tempat semenda. Dalam bab III pula dijelaskan fungsi ketua-ketua adat dalam hukum adat yang terlaksana dalam Adat Perpatih. Tugas dan tanggungjawab ketua-ketua adat itu pula dipecahkan kepada beberapa peringkat kepimpinan. Bab IV dibentangkan aspek-aspek keadilan yang berkaitan dengan hukuman dan penebusan. Keadilan dikatakan dapat terjamin bila penyelesaian dibuat berdasarkan muafakat. Penilaian dan kesimpulan keseluruhan dilakukan dalam bab V.

KANDUNGAN

	Halaman
PENGAKUAN	ii
PENGHARGAAN	iii
SINOPSIS	iv
KANDUNGAN	v
SENARAI SINGKATAN	vii
PENDAHULUAN	viii
BAB I LATAR BELAKANG BUDAYA DAN KONSEP	
1.0. Pengenalan	1
1.1 Latar Belakang Budaya	1
1.2 Konsep Perbilangan Adat	16
1.3 Klasifikasi Perbilangan Adat	21
1.3.1. Metos dan Lagenda	22
1.3.2. Kata-kata Istiadat	23
1.3.3. Undang-undang	24
1.3.4. Kata-kata Falsafah	25
1.4. Rumusan	26
BAB II ASPEK-ASPEK HUKUM ADAT DALAM PERBILANGAN ADAT	
2.0 Pengenalan	27
2.1. Hukum Adat	29
2.2 Hukum Adat Dalam Masyarakat Adat Perpatih.	31
2.3. Klasifikasi Hukum Adat Perpatih	33
2.3.1. Undang-undang Harta dan Pusaka.	33
2.3.2. Hukum Jenayah	44

2.3.3.	Hukum Tentang Berkedim	47
2.3.4.	Hukum Perkahwinan	52
2.3.5.	Hukuman Orang Semenda dan Tempat Semenda	64
2.4	Rumusan	69

BAB III LEMBAGA MUSYAWARAH ADAT

3.0.	Pengenalan	71
3.1.	Lembaga Musyawarah Adat	72
3.1.1.	Lembaga Musyawarah Rumpun	76
3.1.2.	Lembaga Musyawarah Ruang	78
3.1.3.	Lembaga Musyawarah Perut	81
3.1.4.	Lembaga Musyawarah Suku	84
3.1.5.	Lembaga Musyawarah Luak	88
3.1.6.	Lembaga Musyawarah Negeri	90
3.2.	Rumusan	94

BAB IV KEADILAN DALAM HUKUM ADAT

4.0.	Pengenalan	96
4.1.	Keadilan Dalam Hukum Adat Perpatih	97
4.1.1.	Keadilan Di luar Pengadilan	100
4.1.2.	Keadilan Di muka Pengadilan	104
4.1.3.	Keadilan Dalam Agama	109
4.2.	Rumusan	112

BAB V KESIMPULAN

SENARAI SINGKATAN

JMBRAS	-	Journal of Malayan/Malaysian Branch of the Royal Asiatic Society.
hlm.	-	halaman
Ibid.	-	ibidem, bermaksud pada tempat yang sama
et. al.	-	lebih daripada tiga pengarang
t.t.	-	tanpa tarikh.
Jil.	-	Jilid.
Bil.	-	Bilangan.

PENDAHULUAN 1

1 Tujuan Kajian

Interpretasi yang tidak tepat dan tidak betul telah menyebabkan timbulnya beberapa kekeliruan dan salah faham terhadap maksud yang tersembunyi dalam bait-bait perbilangan adat. Hal ini telah menyebabkan timbul beberapa tafsiran dan konsep yang salah dari anggapan yang tidak sihat terhadap Hukum Adat.

Oleh kerana soal undang-undang dalam sesebuah masyarakat adalah penting untuk menentukan arah kemajuan dan perubahan masyarakat itu maka masyarakat Adat Perpatih harus mengenal dan mengetahui arah dan pola undang-undang yang wujud dalam komunitinya. Lantaran itu, tujuan utama kajian ini ialah untuk melihat perbilangan adat yang wujud dalam masyarakat Adat Perpatih tradisional dalam konteks Hukum Adat. Dari gambaran Hukum Adat ini kita dapat menyelami jiwa, pemikiran dan falsafah serta cara hidup masyarakat tersebut.

2. Skop Kajian

Topik mengenai perbilangan adat adalah terlalu luas. Oleh itu, penulis hanya membataskan kajian kepada permasalahan Hukum Adat dalam masyarakat Adat Perpatih. Namun demikian penulis tidak menghadkan kajian kepada

kawasan yang lebih kecil sebagai sampel kajian. Satu penulisan menyeluruh yang menyentuh perbilangan adat di Negeri Sembilan dan Naning merupakan skop kajian ini.

3. Permasalahan Kajian

Masalah yang timbul dalam masyarakat Adat Perpatih sendiri terutamanya masyarakat di luar Adat Perpatih ialah kurangnya pengetahuan mereka tentang aspek dari Hukum Adat tersebut. Untuk memahaminya seseorang itu perlu memahami perjalanan sistem Adat Perpatih itu sendiri atau melakukan penelitian dan kajian dengan wajar dan mendalam demi mengelakkan sebarang kekeliruan terhadap persoalan-persoalan yang diutarakan di dalamnya. Oleh itu, kajian ini sekurang-kurangnya hendak menyelesaikan permasalahan yang wujud dalam menilai dan mentafsir perbilangan adat yang berkaitan dengan Hukum Adat itu.

Antara permasalahan kajian itu ialah:

- i) Untuk melihat bentuk masyarakat yang mewujudkan Hukum Adat tersebut berdasarkan dari sejarah perkembangannya.
- ii) Mengenalpasti bentuk-bentuk hukum adat yang terdapat dalam perbilangan adat.

- iii) Mengenalpasti siapa pemimpin dalam komuniti masyarakat Adat Perpatih.
- iv) Mengenalpasti kedudukan dan peranan yang dimainkan oleh ketua-ketua adat dalam konteks Hukum Adat.
- v) Cuba menilai sejauhmana pimpinan mereka kepada komuniti masyarakat Adat Perpatih berdasarkan sistem keadilannya.

4. Kaedah Kajian

Kaedah penyelidikan yang digunakan ialah penyelidikan perpustakaan. Dalam hal ini, penulis telah membuat pembacaan terhadap penemuan-penemuan perbilangan adat oleh pengkaji-pengkaji terdahulu. Kesemua bahan-bahan yang berkaitan dengan kajian telah diteliti dan dianalisis terutamanya puisi-puisi perbilangan adat yang berkaitan dengan Hukum Adat yang menjadi permasalahan kajian. Penganalisaan terhadap perbilangan adat melibatkan juga proses penafsiran dengan melihat pemikiran masyarakat tradisi seperti yang diungkapkan di dalamnya. Dengan ini, penganalisaan yang wajar dapat dilakukan terhadap Hukum Adat berdasarkan dari perbilangan adat itu tadi.

5. Kajian Lepas

Meskipun telah banyak kajian-kajian mengenai Adat Perpatih telah dihasilkan tetapi kajian tersebut lebih cenderung kepada adat istiadat masyarakat Adat Perpatih. Antaranya adat-istiadat perkahwinan, pemilihan dan perlantikan Penghulu, adat berkedim dan sebagainya.

Di antara penulis-penulis barat yang mengkaji Adat Perpatih ialah seperti G.A. de Moubray (1931) dalam bukunya Matriachy in the Malay Peninsular and neighbouring countries; Josselin de Jong (1952) dalam Minangkabau and Negeri Sembilan; E.N. Taylor (1929) dalam "Customary law of Rembau" dan sebagainya. Manakala penulis-penulis tempatan adalah seperti Abdul Rahman Hj. Mohammad (1964) dalam bukunya Dasar-dasar Adat Perpatih; Mohamed Din Ali (1957) dalam Sambaan Chakap dan Pepatah Adat Melayu; Nordin Selat (1982) dalam Sistem Sosial Adat Perpatih, Norhalim Hj. Ibrahim (1993) dalam Adat Perpatih: Perbezaan dan Persamaan dengan Adat Temenggung dan lain-lain. Di sini jelas menunjukkan terlalu sedikit kajian yang khusus tentang undang-undang dalam perbilangan adat yang menyentuh tentang aspek Hukum Adat itu sendiri.



BAB V

BAB V

KESIMPULAN

Manusia semakin hari semakin pandai dan bertamadun. Mereka telah menggunakan akal dan fikiran bagi mengatur cara hidup dengan menjadikan adat dan kebiasaan itu untuk mentadbir negeri dan negara mereka masing-masing. Begitulah juga dengan Adat Perpatih yang telah diwarisi dan dipusakai dari nenek moyang orang Melayu di Negeri Sembilan yang dibawa oleh orang-orang Minangkabau. Adat Perpatih ini bukan sahaja menjadi resam dan kebiasaan bagi mereka dalam peraturan hidup bermasyarakat sehari-hari, malah lebih dari itu Adat Perpatih adalah "hukum" yang terjelma dalam sistem sosial masyarakatnya di samping dipakai juga dalam pentadbiran negara, seperti yang diperkatakan dalam perbilangan:

Biar mati anak jangan mati adat
Tak lekang dek panas, tak lapuk dek hujan
Dianjak layu, dicabut mati
Gemuk berpupuk, segar bersiram
Berjenjang naik, bertangga turun
Patah tumbuh hilang berganti
Pusaka bergilir, saka berwaris

Adat bersendi hukum, hukum bersendi kitabullah
 Syarak mengata, adat mengikut

Adat Perpatih sekaligus adalah peraturan hidup bermasyarakat dan berpolitik serta pentadbiran negara yang terjalin dalam konsep demokrasi. Konsep demokrasi dalam Adat Perpatih ini amat jelas dinyatakan sebagai:

Bulat air kerana pembentuk
 Bulat kata kerana muafakat
 Ke gunung sama didaki
 Ke lurah sama dituruni
 Hati gajah sama dilapah
 Hati kuman sama dicecah

Perbilangan adat yang sering diungkapkan bukanlah kata-kata kosong semata-mata untuk indah di dengar sahaja bak kata orang "indah khabar dari rupa", tetapi adalah satu peraturan yang menjadi pegangan dan hukum dalam sistem sosial masyarakatnya. Oleh itu, sekiranya ada tanggapan yang menyebut Adat Perpatih terlalu mengongkong cara hidup bermasyarakat, maka tanggapan itu ternyata dibuat melalui penilaian yang negatif seperti:

Menyelam air dalam tunggak.

Oleh itu, perbilangan adalah hukum adat yang menjadi pegangan dalam memutuskan satu-satu perkara yang berbangkit.

Adat Perpatih yang kita jumpai sekarang bukanlah Adat Perpatih yang seratus peratus dalam bentuk aslinya, tetapi hukum adat yang berkembang menurut zaman ke zaman. Masuknya agama Islam ke Negeri Sembilan membawa perkembangan baru dalam hukum adatnya seperti yang diterapkan ke dalam pepatah:

Adat bersendi hukum

Hukum bersendi kitabullah

Kuat adat tak gaduh hukum

Kuat hukum tak gaduh adat

Dari pepatah adat tersebut nampak tegas bukan sahaja adat dan syarak isi mengisi dan kuat menguat antara satu sama lain tetapi juga berdampingan menurut keadaan.

Seterusnya dalam perlaksanaan kata-kata adat yang bernilai tinggi di atas, jangan hendaknya digunakan paksaan tetapi hendaknya dimusyawarahkan bersama-sama untuk mendapatkan kebulatan suara dari kata-kata adat sebagai:

Tiap sesuatu dengan muafakat

Bulat air dek pembentung

Bulat kata dek muafakat

Perlu diperingatkan di sini bahawa keputusan dalam musyawarah menurut sistem hukum adat adalah sebulat suara

dan bukan seperti hukum barat iaitu melalui suara terbanyak.

Suasana musyawarah dalam pengertian hukum adat adalah suasana muafakat dan perundingan dalam mencari mana yang benar dan mana yang seelok-eloknya menurut kehendak zaman, sehingga masing-masing bersedia bertolak ansur. Musyawarah yang diadakan itu diketuai oleh ketua-ketua adat. Tujuannya ialah untuk mendapat keputusan yang dipersetujui bersama. Sistem ketua dari segi organisasi sosial dalam Adat Perpatih sebagaimana yang diketahui umum adalah berasaskan hubungan kekeluargaan.

Anak buah melantik Buapak

Buapak melantik Lembaga

Lembaga melantik Datuk Penghulu

Oleh itu keputusan-keputusan yang dibuat dalam musyawarah perlu disokong dan diusahakan perlaksanaannya dengan sepenuh minat. Jadi sistem Hukum Adat adalah perpaduan dari prinsip kebebasan yang diperhatikan sepenuhnya dari norma-norma susila dengan prinsip taat kepada kebulatan iaitu kehendak dari masyarakat.

Hasil dari keputusan musyawarah itu mesti dipertahankan kerana ia melambangkan keadilan seperti kata pepatah:

Tak lekang dek panas
 Tak lapuk dek hujan
 Gemuk berpupuk segar bersiram
 Dianjak layu dicabut mati

Kalau lambang keadilan itu tidak dipertahankan akan berlakulah:

Kalau tak patah, tiat
 Kalau tak luka, congek
 Kalau ketulahan, tujuh tenggang hilang pusaka
 Tujuh musim padi tak jadi

Oleh itu, adat sebagai peraturan dan cara hidup sebuah masyarakat harus sesuai dengan perkembangan masyarakat itu sendiri. Kita mahu tidak mahu harus mengakui kenyataan bahawa sesuatu masyarakat yang hidup mesti berkembang menurut keadaan yang mengelilinginya, jadi mesti mengalami perubahan. Ini adalah undang-undang alam. Adat Perpatih itu memang mengizinkan perubahan sebagaimana kata-kata adat:

Nan elok dipakai
 Nan buruk dibuang
 Usang-usang diperbaharui
 Lapuk-lapuk dikajangi
 Melihat contoh kepada yang sudah
 Melihat tuah pada yang menang

Sekalipun Adat Perpatih itu telah melalui berbagai zaman dan berbagai pengaruh, namun ia tetap menjadi pegangan yang diterima sebagai undang-undang kemasyarakatan yang dapat pula dipersesuaikan dengan apa jua pengaruh yang menuju kepada kebenaran. Ini kerana Adat Perpatih adalah:

Adat yang putih seperti kapas
 Hukumnya lembut seperti air
 Adat yang berturas bertauladan
 Bercincang berlandasan
 Adat yang bercupak bergantung
 Berbungkal berneraca
 Adat yang berbaris berbelebas
 Berukur berjangka
 Berlembaga bertuangan

Kalau diteliti dari perbilangan Adat Perpatih tersebut dapatlah kita katakan bahawa adat ini benar-benar mempunyai kemampuan dalam usaha mengujudkan keamanan, kemakmuran dan kebahagiaan kepada penganutnya. Kemampuan itu terbukti sejak sebelum kemasukan peraturan dan undang-undang Barat di Nusantara dan terbukti juga hingga kini di mana sebahagian daripada amalan adat itu masih dipraktikkan.

BIBLIOGRAFI

BIBLIOGRAFI

- A.A. Navis. 1986. Alam berkembang jadi guru: Adat dan kebudayaan Minangkabau. Jakarta: PT Pustaka Grafitipers.
- Abbas Hj. Ali. 1953. Rembau: Sejarah perlembagaan adat dan istiadatnya. Johor: Pejabat Cetak Kerajaan Johor.
- Abdul Kadir Ismail dan Abdul Monir Yaacob. 1983. Harta sepencarian menurut pandangan Islam. Seminar Faraid Peringkat Kebangsaan. Anjuran Fakulti Pengajian Islam, Universiti Kebangsaan Malaysia, Bangi.
- Abdul Kadir Yusof, 1972. Mengenai Adat Perpatih. Dewan Masyarakat. April: 39.
- Abdul Rahman Hj. Mohammad. 1964. Dasar-dasar Adat Perpatih. Kuala Lumpur: Penerbitan Pustaka Antara.
- Abdul Samad Idris. 1970. Hubungan Minangkabau dengan Negeri Sembilan dari sejarah dan kebudayaan. Negeri Sembilan: Pustaka Antara.
- Abdul Samad Idris. 1974. Kemurniaan dalam Adat Perpatih. Seminar Persejarahan dan Adat Perpatih. Anjuran Majlis Belia, Negeri Sembilan. 10 - 12hb. April.
- Abdullah Siddik. 1974. Pengantar undang-undang adat di Malaysia. Kuala Lumpur: Penerbit Universiti Malaya.
- Ahmed Ibrahim dan Alilemah Joned. 1992. Sistem undang-undang di Malaysia. Kuala Lumpur: Dewan Bahasa dan Pustaka.
- Hj. Buyong Adil. 1981. Sedjarah Negeri Sembilan. Kuala Lumpur: Dewan Bahasa dan Pustaka.
- Hj. Idrus Hakimy Dt. Raja Penghulu. 1984. Adat Minangkabau basandi syara', syara' basandi kitabullah dalam pembangunan masyarakat adat. Seminar Kebangsaan Adat Perpatih dan Wilayah Budaya Negeri. Anjuran Universiti Pertanian Malaysia, Kerajaan Negeri Sembilan dan Kementerian Kebudayaan Belia dan Sukan. 3-5hb. Mei.
- Hj. Mustafa Hj. Ahmad. 1974. Adat dan syara' di Negeri Sembilan. Seminar Persejarahan dan Adat Perpatih. Anjuran Majlis Belia Negeri, Negeri Sembilan. 10-12hb. April.
- Hamka. 1963. Minangkabau menghadapi revolusi. Jakarta: Penerbitan Firma Tekad.

- Harun Mat Piah. 1989. Puisi Melayu Tradisional: Satu pembicaraan genre dan fungsi. Kuala Lumpur: Dewan Bahasa dan Pustaka.
- Hashim A. Ghani. 1974. Kata perbilangan dan tafsirannya. Seminar Persejarahan dan Adat Perpatih. Anjuran Majlis Belia, Negeri Sembilan. 9-12hb April.
- Hilman Hadikusuma S.H. 1981. Hukum ketatanegaraan adat. Bandung: Penerbit Alumni.
- Hooker, M.B. 1970. Reading in Malays adat laws. Singapore: Singapore University Press.
- Hooker, M.B. 1972. Adat laws in modern Malays. Kuala Lumpur: Oxford University Press.
- Idris Yahya. 1975. Perpecahan tanah dan masalahnya. Dewan Masyarakat. Jan: 24.
- Ismail Hamid. 1988. Masyarakat dan budaya Melayu. Kuala Lumpur: Dewan Bahasa dan Pustaka.
- Josselin de Jong, P.E. 1952. Minangkabau and Negeri Sembilan. The Hague: Martinus Nijhoff.
- Kamarulzaman Abd. Kadir. 1984. Perbilangan Adat Perpatih ditinjau dari segi keindahan bahasanya. Seminar Kebangsaan dan Wilayah Budaya Negeri Sembilan. Anjuran Universiti Pertanian Malaysia, Kerajaan Negeri Sembilan dan Kementerian Kebudayaan Belia dan Sukan. 3-5hb Mei.
- Mansur Hj. Jamaluddin. 1974. Konsep harta di dalam sistem Adat Perpatih. Seminar Pensejarahan dan Adat Perpatih. Anjuran Majlis Belia Negeri, Negeri Sembilan. 10-12hb. April.
- M.D. Mansoer, Amrin Imran, Mardanas Safuan, Asmaniar, Z. Idris dan Sidi I. Buchari. 1970. Sedjarah Minangkabau. Jakarta: Bhratara.
- Md. Sharif Fakeh Hassan. 1974. Sejarah kedatangan Adat Perpatih ke Negeri Sembilan dan kaitannya di Minangkabau. Seminar Persejarahan dan Adat Perpatih. Anjuran Majlis Belia, Negeri Sembilan. 10-12hb. April.
- Miriam Budiardjo. 1975. Masalah kenegaraan. Jakarta: Gramedia.
- M. Nasroen. 1971. Dasar falsafah adat Minangkabau. Djakarta: Penerbit Bulan Bintang.

- Mochtar Naim. 1979. Merantau pola migrasi suku Minangkabau. Yogyakarta: Gadjah Mada University Press.
- Mohamed Din Ali. 1957. Sambaan chakap dan perpatah adat Melayu. Kuala Lumpur: Pustaka Antara.
- Mohd. Dahlan Mansoer. 1974. Minangkabau dan Negeri Sembilan: Tinjauan dan kaitan sejarah dan kebudayaan. Seminar Persejarahan dan Adat Perpatih. Anjuran Majlis Belia Negeri, Negeri Sembilan. 10-12hb. April.
- Mohd Shah b. Hj. Lassim dan Norhalim b. Hj. Ibrahim. 1984. Tanah-tanah terbiar: Satu cadangan pembangunan. Seminar Kebangsaan Adat Perpatih dan Wilayah Budaya Negeri Sembilan, Universiti Pertanian Malaysia, Serdang. 3-5hb. Mei.
- Mohd. Yusof Md. Nor. 1985. Perlambangan dalam perbilangan Adat Perpatih: Satu pandangan umum. Sari. Julai: 131-132.
- Nordin Selat. 1978. Renungan. Kuala Lumpur: Utusan Publications & Distributors Sdn. Bhd.
- Nordin Selat. 1982. Sistem sosial Adat Perpatih. Kuala Lumpur: Utusan Publications & Distributors Sdn. Bhd.
- Norhalim Hj. Ibrahim. 1984. Sistem sosial adat Negeri Sembilan. Seminar Kebangsaan Adat Perpatih dan Wilayah Budaya Negeri Sembilan. Anjuran Universiti Pertanian Malaysia, Serdang. 3-5hb. Mei.
- Norhalim Hj. Ibrahim. 1988. Negeri Sembilan sebagai Identiti sosio-politik yang unik. Seminar Identiti Budaya Negeri Sembilan. Anjuran Persatuan Sejarah Malaysia, Negeri Sembilan.
- Norhalim Hj. Ibrahim. 1993. Adat Perpatih: Perbezaan dan persamaan dengan Adat Temengghung. Kuala Lumpur: Penerbitan Fajar Bakti.
- Othman Hj. Ishak. 1981. Fatwa dalam perundangan Islam. Kuala Lumpur: Fajar Bakti.
- Othman Hj. Ishak. 1982. Hubungan antara undang-undang Islam dan undang-undang adat. Kuala Lumpur: Dewan Bahasa dan Pustaka.
- Rahim Syam Norhale. 1985. Mendekati Kebudayaan Melayu. Petaling Jaya: Penerbitan Fajar Bakti.

- Shamsul Amri Baharuddin. 1974. Politik Adat Perpatih. Seminar Pensejarahan dan Adat Perpatih. Anjuran Majlis Belia Negeri, Negeri Sembilan. 10-12hb. April.
- Shellabear, W.G. Tanpa tarikh. Sejarah Melayu. Petaling Jaya: Penerbitan Fajar Bakti.
- Taha Abd. Kadir. 1980. Masyarakat Adat Perpatih kontemporari di Negeri Sembilan dalam menghadapi perubahan sosio-ekonomi. Seminar Internasional Mengenai Kesusasteraan, Kemasyarakatan dan Kebudayaan Minangkabau.
- Taylor, E.N. 1929. Customary law of Rembau. JMBRAS, Vol. VII: 8, 40.
- Winstedt, R.O. 1934. Negeri Sembilan: The history, polity and belief at the nine states. JMBRAS. October: 42-44.
- Zakiah Hanum. 1989. Asal-usul negeri-negeri di Malaysia. Kuala Lumpur: Times Books Internasional.
- Zainal Abidin Ahmad. 1964. Ilmu Mengarang Melayu. Kuala Lumpur: Dewan Bahasa dan Pustaka.
- Zainal Kling. 1969. Sistem kekeluargaan di Melaka Utara. Kuala Lumpur: Universiti Malaya.
- Zainal Kling. 1985. Pengaruh Kebudayaan Minangkabau di Malaysia. Seminar Kebudayaan Minangkabau di Bukit Tinggi, Sumatera, Indonesia. 19-20hb. Ogos.